

**Святому праведному
Александру (Баданину).**

Тропарь. Глас 4.

**Яко к Бо́гу моли́твенник усер́дный / и Ду́ха
Свята́го стяжа́телю предивный, /
хриstopодража́тельнаго смире́ния и
кро́тости учи́телю, / и ве́ры твёрдыя
насади́телю, / Волого́дский целе́бниче / и к
Бо́гу усер́дный подви́жниче, / о́браз
благодáтной духо́вной жи́зни показа́л еси́, /
и дивный прозорли́вец яви́лся еси́, / о́тче
Алекса́ндре блаже́нне, / моли́ Всеблага́го
Бо́га, // спасти́ся душа́м на́шим.**

Кондак. Глас 8.

**Вы́шняя красotý жела́я, земна́я бла́га
оста́вил еси́, / во юро́дство претвори́вся
волею, / ми́ра сего́ краса́я отню́д
возненави́дел еси́, / и до́бре Бо́гу угоди́л
еси́: / сего́ ра́ди от Него́ чудесы́ просла́вися. /
Вся́кия челове́ческа́я недуги́ и язвы́ ду́ш
исцеля́юща. / Сего́ ра́ди твою́ па́мять чту́ще
свѣтло пра́зднуем, / о́тче Алекса́ндре
блаже́нне, / вознеси́ на́ша воздыха́ния к
Влады́ке ми́ра, // ми́р все́м испроси́ и душа́м
на́шим ве́лию ми́лость.**

**Служба святому праведному
Александру (Баданину),
Вологодскому чудотворцу.
Стихиры на: «Господи, воззвах».**

Глас 6.

1. Молитвенника теплаго / и благодатнаго
пастыря видим тя, отче Александре, / мнозем
бо людем к тебе притекающим, / являеши в
скорбех утешение, / в недужех
многоразличных исцеление, / в нуждах
сущим и страждущим / присное
вспоможение // и до ныне в чудодействиих
не оскудеваеши.

2. Лествицею добродетелей шествуя, /
делатель неленостный / вертограда
Господня явился еси, отче Александре, / от
млада даже до последнего часа добре
потрудился еси, / тако и нас молитвенно
укрепи // Господеви работати.

Глас 6.

Слава Отцу и Сыну и Святому Духу.

**Селения святых наследовал еси, отче
Александре праведне, / во свете лица Божия
зриши нужды притекающих к тебе, /
коемуждо потребная яже ко спасению
подавая, / сего ради и мы, на помощь твою
уповающе молимся; // моли Христа Бога
спастися душам нашим.**

Стихиры на: «стиховне».

Глас 5.

Ревностию о славе Божией распалѣемь,
поучал еси паству твою / всячески хранити
сѣрдце свое от страстей, / душу
растлевающих и от Бога разлучающих. /
Моли о нас, отче святыи Александре, // да
управим житие наше к славе имени Божия и
спасению.

**Свѣт возсия праведнику и правым сѣрдцем
веселие.**

Апостольским подвигом подражая, / отче
Александре предивне, / душу о спасении
ближних полагал еси, / взыскую не своих си,
но ближняго. / Ныне же предстоя престолу
Святыи Троицы, // непрестанно молися о
почитающих память твою.

Готово сѣрдце его уповати на Господа.

Все богатство веры открыл ми еси,
Господи, / благодарне взывал еси,
Александре праведне, / ко источнику любви
и премудрости Богу, / от Негоже познал еси
словеса спасительная, / имиже согревая
хладная сердца наша, // направляеши ко
спасению.

Глас 8.

Сла́ва Отцу́ и Сы́ну и Свято́му Ду́ху.

**Еди́ному Бо́гу любви́ю прилепля́ясь, свя́те
Алекса́ндре, / прісно́ попече́ние о
стра́ждущих и отве́рженных име́я, / ско́рый
помо́щник те́м яви́лся еси́, / сего́ ра́ди си́ла
благода́ти Бо́жия / содеява́ет тобо́ю ве́лия
чудеса́, / обраща́я невер́ных к ве́ре во
Христа́ // и к жи́зни во сла́ву Бо́жию.**

По 50-м псалме. Глас 6.

Сла́ва Отцу́ и Сы́ну и Свято́му Ду́ху.

Моли́твами свята́го пра́веднаго Алекса́ндра
Волого́дскаго, / **Ми**лостиве, очисти //
мно́жество согреше́ний на́ших.

И ны́не и при́сно и во ве́ки веко́в. Ами́нь.

Моли́твами Богоро́дицы, / **Ми**лостиве,
очисти, // **мно́жество согреше́ний на́ших.**

Поми́луй мя, Бо́же, / по вели́цей ми́лости
Твое́й, / и по мно́жеству щедро́т Твои́х, //
очисти беззако́ние моё.

Стихира.

Тя́ земна́го а́нгела, / небеса́наго челове́ка, /
любве́ Христо́вы носите́ля, / земли́
Росси́йския печа́льника / и о все́м ми́ре
моли́твенника, / засту́пника оби́димых, /
о́браз трудолю́бия, чудотво́рца предивнаго, /
почита́ем, Алекса́ндре пра́ведне, /
благодаря́ще Бо́га, // прославля́ющаго святы́я
Своя́.

Стихиры на: «хвалитех».

Глас 8.

1. **Ликуй светло, граде Во́логда, / имѣя в себѣ днѣсь просла́вленныя святы́я уго́дники Бо́жи: / Никола́я блаже́ннаго, дѣвнаго моли́твенника, / и пра́веднаго Алекса́ндра, па́стыря Волого́дскаго / свети́льника ве́ры и чудотво́рца изрядна. / Взыгра́йте, лю́дие Бо́жи, / в пе́снях и пе́ниих ра́дующесе, / Христа́ сла́вяще и уго́дники его́, // при́сно моля́щися о душа́х на́ших.**

2. **Устне́ твои́ ра́зума испо́лнится, / и зако́ну Господню́ от у́ст твои́х поуча́хуся лю́дие, / Алекса́ндре предѣвне, иере́ю Бо́жий, / ны́не же со а́нгелы предсто́я Святе́й Тро́ице, // моли́ся о почита́ющих па́мь твою́.**

Глас 6.

Сла́ва Отцу́ и Сы́ну и Свято́му Ду́ху.

Истиннаго па́стыря тя́ почита́ем, / о́тче
Алекса́ндре пра́ведне, / яви́л бо еси́ в себѣ
о́браз па́стырєначальника Христа́, / ны́не же
зрѣнием неизрече́нныя сла́вы Его́
наслажда́ешися / и проше́ния на́ша
слы́шиши, // моли́ся дарова́ти на́м полѣзная
ко спасѣ́нию.

И ны́не и прѣсно и во ве́ки веко́в. Ами́нь.

Ю́жика Твоя́, Пресвята́я Де́во, / Елисавет, /
ма́ти Предте́чева, / пѣрвее все́х
земноро́дных / Богоро́дицу Тя́ нарече́
глаго́лющи: / отку́ду мнѣ́ сие́? / да при́иде
Ма́ти Го́спода моего́ ко мнѣ́. / Мы́ же Тя́,
благослове́нную в жена́х, / все́и ро́ди
христиа́нстии, / без истле́ния Бо́га Сло́ва
ро́ждшую, // прѣсно велича́ем.

Величание.

Стих 1: Пра́ведник, я́ко фи́никс процветёт и
я́ко ке́др, и́же в Лива́не, умно́жится.

Велича́ем тя, / святы́й пра́ведный о́тче на́ш
Алекса́ндре (Волого́дский), / и чті́м святу́ю
па́м'ять твою́, / ты́ бо мо́лиши за на́с, //
Христа́ Бо́га на́шего.

Стих 2: Наса́ждени в дому́ Господни во
дво́рех Бо́га на́шего процвету́т.

Библиотека Вологодского кафедрального собора
Творение иподиакона Владимира (Фуксова)
По благословению настоятеля о. Николая Васильева

**Святому праведному Александру
(Баданину), иерею
Вологодскому. Тропарь. Глас 2.**

**Вéрою и любóвию окрыляемый, / и
смирéнием я́ко многоцéнным елéем
украша́емый, / óтче Алекса́ндре, / возлетéл
еси́ в гóрняя к Царю́ сла́вы Христу́, / Егóже
ра́ди мно́ги скóрби и лишéния во́лею
претерпéл еси́, / и на земли́ со стра́хом
предстоя́ у престóла Егó моли́лся еси́, / я́ко
иерей и па́стырь словéсных овец; / и я́ко
име́яй дерзновéние к Немú, / моли́ о ста́де
твоём прísно, / с вéрою и любóвию к тебе́
притека́ющим, // во е́же спасти́ся душáм
на́шим.**

*(Сей тропарь неизвестен и найден мною в записях иподиакона
Владимира (Фуксова) - (12/01/1934 – 27/12/2012) после его кончины.*

Сделаны его рукой, в тетрадке и с многочисленными исправлениями.

*По всей видимости авторство принадлежит ему. Считаю текст тропаря
близким к каноническому и очень красивым с точки зрения церковной
поэзии.*

Регент левого хора Вологодского кафедрального собора - Валяев Иван.

